

華東卷

【上編】



地方志人物傳記  
資料叢刊

國家圖書館編

北京圖書館出版社

【華東卷】

上編

第五九冊

# 地方志人物傳記資料叢刊

國

家

圖

書

館

編

北京圖書館出版社

# 第五十九冊目錄

## (同治)餘干縣志

|        |     |
|--------|-----|
| 人物志(一) | 一   |
| 封爵     |     |
| 名臣     | 七   |
| 宦業     | 三三  |
| 人物志(二) | 五一  |
| 理學     |     |
| 儒林     | 六七  |
| 文苑     | 七七  |
| 武功     | 八九  |
| 忠義     | 九五  |
| 人物志(三) | 一三三 |
| 孝友     |     |
| 篤行     | 一四七 |
| 隱逸     | 一六一 |

## (同治)樂平縣志

|      |     |
|------|-----|
| 方技   | 一六七 |
| 寓賢   | 一七一 |
| 人物志  | 一七七 |
| 名臣   |     |
| 黔甯世家 | 二二七 |
| 瀋陽仕籍 | 二五四 |
| 宦業   | 二六五 |
| 理學   | 三四五 |
| 儒林   | 三五二 |
| 文苑   | 三七七 |
| 忠義   | 四〇七 |
| 孝友   | 五七三 |
| 善士   | 五九七 |
| 隱逸   | 六一七 |
| 方技   | 六二五 |
| 寓賢   | 六三三 |
| 老壽   | 六三九 |

餘干縣志卷之十二

人物志一 封爵 名臣 宦業

翊運匡時崇封偉業道學淵源考亭一脈顯用敷猷潛修  
秉德著作文章奮揚武烈忠矢捐軀孝資竭力積善賴光  
藝成名立雪泥留蹤冰霜勵節卓爾不羣咸堪爲則志人  
物

封爵

王

漢

吳芮習泰鄉五彩人高帝五年立芮爲衡山王都邾徙封長  
沙王都臨湘一年薨謚曰文子臣嗣

按舊志注邾今之黃州黃岡有邾城括地志故邾城在潭

州東南一兩二十里壽稅邾國也楚滅邾遷其人于淮南  
因以名縣屬江夏郡卽黃州吳芮爲衡山王乃潭州也漢  
爲長沙隋改置潭州又通志按漢書地理志是時衡山與  
豫章同屬淮南並非屬豫章郭表特以芮有番君之號故  
仍采入

吳臣高帝六年襲封長沙王薨諡曰成子同嗣

吳同惠帝二年襲封長沙王薨諡曰哀子右嗣

吳右高后二年襲封長沙王薨諡曰共子著嗣

吳著文帝二年襲封長沙王七年薨諡曰靖無子國除

宋

趙汝愚嘉定元年特贈太師追封沂國公諡曰忠定嘉熙元  
年復追封福王進封周王

公

南朝

徐孝嗣字始昌東海郟人諡曰文忠改封餘干縣公南史

宋

趙不求汝愚祖以孫貴累贈太師申國公

趙應善汝愚父逢宗祀恩追封太師慶國公

侯

漢

梅銷安樂鄉梅港人安志人物志一日安仁人萬姓統譜番君吳芮之

將高帝以銷功多封十萬戶列侯荀悅漢紀作舊一日廣

德侯葬梅港

按舊志注屈氏廣東新語曰廣德在今祁門縣有梅銷城

卽梅銷受封處祁門在漢爲黟縣屬丹陽郡又參豫章十代文獻考略漢紀作梅銷本越人家台嶺築城澧水上台嶺卽梅嶺又名大庾後漢書郡國志豫章南野縣有台嶺山銷當定爲豫章南野人因其死葬梅港而萬厯等舊志遂據安志人物志指以爲餘干人相沿已久故仍附入

吳郢芮兄子以長沙柱國侯千五百戶高帝九年九月丙子

封義陵侯孝惠四年薨子重

史記作種嗣

吳重襲封義陵侯高后九年薨無後

吳淺芮庶子以父長沙王功高后元年九月癸卯封爲便侯

孝文後七年薨諡曰頃子信嗣

吳信襲封便侯薨諡曰共子廣志嗣

吳廣志襲封便侯薨子千秋嗣

吳千秋襲封便侯元鼎五年坐酎金國除元康四年淺元孫長陵上造長樂詔復家

吳陽臣廢子以父長沙王功高后四年七月丙申封沅陵侯薨諡曰頃子福嗣

吳福襲封沅陵侯孝景中五年薨諡曰頃子周嗣

吳周襲封沅陵侯薨諡曰哀無子國除

陳靖字康叔孝誠鄉人光武時以功授散騎常侍左奉駕郎封餘汗侯

張遐字子遠德化鄉人建甯間遷鴻都門學士卒贈族亭侯梁

陸襄字師卿吳郡人天監間徙居邑東隅世祖以建義功追封餘汗侯邑五百戶太清二年卒侯景平追贈侍中雲麾

將軍

唐

余鐸忠義景陵侯

男

南齊

茹法珍會稽人崔慧景平封餘干縣男東緡被殺珍與梅丘

兒王暄之等並伏誅國除

通志又見南齊書

梁

劉孝慶餘汗人太清中討侯景有功封餘汗縣男

南史人物志

名臣

漢

吳芮習泰鄉五彩人父申一名裕吳夫差六世孫有高節周  
未事楚考烈王諫春申君徙封吳得罪謫鄱陽有齊人說  
人齊不從遷餘干習泰鄉施仁行義遠近稱長者所居山  
生芮時五彩雲現人遂名五彩山芮好義有父風秦二世  
時爲番陽令值陳涉兵起天下苦秦吏暴多殺長吏以應  
涉芮甚得江湖間民心號曰番君起兵保番英布亡江中  
爲羣盜陳涉之起也乃率其衆數千人歸番君芮以女妻  
之項梁起江東因率起入應諸侯沛公攻南陽遇芮之將  
梅鋗與偕攻荊郢二邑降之及項羽相王以芮率百越佐  
諸侯從入關故立芮爲衡山王都邾其將梅鋗功多封十

萬戶爲列侯項籍滅高祖以鎬從入武關故德芮徙封長沙都臨湘詔曰故衡山王吳芮與子二人兄子一人從百越之兵以佐諸侯誅暴秦有大功諸侯立以爲王項羽侵奪之地謂之番君其以長沙豫章象郡桂林南海立番君芮爲長沙王明年詔將兵定閩至贛之金精山卒諡文王子成王臣嗣十一年布以漢誅韓彭疑懼反明年高祖擊敗布布走歸彭蠡臣遺書一帛一迎布曰漢使在城臣懷疑不安故脫身同餘千亟欲會以定亡反布以婚姻故從之輕騎徑往夜宿茲鄉田舍間伏兵殺之君子以臣爲國誘不必信也成王卒子哀王同嗣卒子共王右嗣卒子靖王著嗣孝文帝後七年著卒無子國除初高祖賢王芮制詔御史長沙主忠其定葬令至孝惠高后時封列侯國二

芮庶子淺便侯臣庶子陽沅陵侯淺卒信襲封信卒廣志  
襲封陽卒福襲封福卒周襲封無子廣志卒千秋襲封坐  
酎金國除

梅銷安樂鄉梅港人吳芮之爲番陽令天下方亂芮以銷爲  
將教練士卒保番民故番有督軍湖舊志註卽今東湖項梁起兵

江東芮率越人應之以銷領兵至南陽從沛公降析酈二  
邑至咸陽從項羽入關有功封十萬戶爲列侯崇祀郡鄉

賢祠

宋

陸襄字師卿本名哀字趙卿有奏事者誤爲襄梁武帝乃改  
爲襄字師卿天監三年都官尙書范岫表薦襄起家著作  
佐郎後昭明太子統聞襄業行啟武帝引與遊處自廬陵

王起室除太子洗馬遷中舍人並掌管記出爲揚州中從事以父終此官固辭武帝不許聽與府司馬換廨居之昭明太子敬耆老襄母年將八十與蕭琛傳昭陸杲每月常遣存問加賜珍羞衣服襄母常卒患心痛醫方須三升粟漿時冬月日又逼暮求索無所忽有老人詣門貨漿量如方劑始欲酬直無何失之時謂襄孝感所致後爲太子家令復掌管記母憂去職襄年已五十毀頓過禮太子憂之日遣使誠諭大通七年爲番陽內史先是鮮于琮服食修道法常入山採藥拾得五色幡旒又於地中得石璽竊怪之琮先與妻別室望琮所處常有異氣益以爲神大同元年遂結門徒殺廣晉令王筠號上願元年署直官屬其黨轉相誑惑有衆萬餘人將出攻郡襄先已率人吏修城隍

爲備及賊至破之生獲琮時鄰郡豫章安城等守宰案其  
黨與因求貨賄皆不得其實或有善人盡室罹禍唯襄郡  
枉直毋濫人作歌曰鮮于抄後善惡分人無橫死賴陸君  
又有彭李二家先因忿爭遂相誣告襄引入內室不加責  
誚但和言解喻二人感悟悔咎人又歌曰陸君政無怨家  
鬪旣罷讐共車在政六年郡中大甯郡人李睨等四百二  
十人詣闕拜表陳襄德化求於郡立碑降勅許之又表乞  
留襄固乞還大清元年爲度支尙書侯景圍臺城以襄值  
侍中省城陷襄逃還吳景將宋子仙進攻錢塘會海鹽人  
陸黯舉義襲郡殺僞太守蘇單于推襄行郡事時淮南太  
守文成侯蕭甯逃賊入吳襄遣迎甯爲盟主遣黯及兄子  
映公帥眾躡子仙與戰黯敗走吳下軍聞之亦散襄匿於

墓下一夜憂憤卒襄弱冠遭家禍釋服猶若居憂口不言

殺害五十年侯景平元帝贈侍中追封餘干縣侯

南史列傳

章公弼字右夫古埠人紹聖元年進士事親孝謹母歿廬墓

三年有學識歐陽修甚器之授建甯主簿章愔以詩餞公

弼曰文章乃道德光華若愔詩何爲聞朝廷罷劉摯范純

仁託疾不起建中靖國中以恩例除太常丞大觀初通判

贛州得民心俄以禮部主客員外去職宣和初召陞禮部

侍郎以疾歸有文集若干卷

舊志附京畿有物夜掠小兒食上命禮部監有司致祭祭

城隍公弼曰城隍正直之神未必害民祇以公文責城隍

除之害遂止

趙汝愚字子直宋乾道宗室進士第一漢恭憲王元佐七世

孫祖不求監餘干酒稅因家焉汝愚早有大志每日丈夫  
得汧青一簡始不忝所生既擢進士見孝宗卽陳自治之  
策孝宗稱善光宗旣受禪嘗五日一朝孝宗於重華宮紹  
熙二年往往以傳旨免汝愚往復規諫光宗意悟時官尙  
書吏部矣四年同知樞密院事遷知院事五年六月孝宗  
崩光宗不能喪宰相留正與汝愚議介少傅吳玕請憲聖  
太后垂簾暫主喪事七月留正入奏立皇子嘉王爲太子  
以安人心御批付丞相厯事歲久念欲退閑正懼遁去人  
心搖動汝愚自度宗臣不能辭其責與徐誼葉適謀遣知  
閤門韓侂冑以內禪之意請於憲聖汝愚以國本係乎嘉  
王誠欲爲宗社之計使命出簾帷之間事行廟堂之上則  
體正言順可無後艱甲子禪皇子嘉王入汝愚率百官詣

大行前率同列再拜奏憲聖簾下出所擬太皇太后指揮以進憲聖覽畢曰甚善乃命皇子卽皇帝位行禪祭禮汝愚卽襲次乞召還留正是月命汝愚兼權叅知政事除右丞相辭不拜改樞密院使侂冑欲推定叅功汝愚不可曰吾宗臣汝外戚也侂冑大失望會孝宗攢汝愚與留正議不合因間之於帝八月手詔罷正知建康復命汝愚爲右丞相汝愚怒侂冑黜正及來謁不遂見之侂冑慚忿趙彥逾亦自以有功冀汝愚引與同列而除四川制置乃與侂冑合謀間汝愚元年春李沐奏宗臣將不利社稷遂罷汝愚右相除觀文殿學士知福州提舉洞霄宮國子祭酒李祥博士楊簡上書訟汝愚忠李沐并劾罷之復編管言者呂祉儉等十一月謫甯遠軍節度副使永州安置迪功郎